

Wolof - Wéral Mbind - Healing Scriptures

Goreel ga - Mucc ga 15:26 Da ne leen: «Bu ngeen farloo ci déggal seen Yàlla Aji Sax ji, di def li mu rafetlu, di teewlu tey jëfe ay santaaneem, di sàmm bépp dogali yoonam, su boobaa duma leen teg lenn ci jàngoro, yi ma tegoon waa Misra, ndax man maay Aji Sax, ji leen di wérloo.»
(Baamtug Yoon wi 7:15)

Sabóor 107:20 Daa yónnee kàddoom, wéral leen, këfe leen cim yeer.
Sabóor 146:8 Aji Sax jeey xippil silmaxa, di siggal ku sëgg. Aji Sax jee sopp ku jub.

Yeremi 30:17 «Ñu ngi la naan: "Waccees na la," naan la: "°Siyon yaw, faaleesu la," waaye maa lay may wér, faj say góom.» Kàddug Aji Sax jee.

Yeremi 33:6 «Waaye du tee, maa leen di may tan, faj leena faj ba ñu wér, won leen xéewalu jàmm ju dëggu.

Macë 4:23,24 Ba loolu amee Yeesu doon wér Galile gépp, di jàngle ci seeni jàngu tey yégle xibaaru jàmm bi ci nguuru Yàlla; muy faj jàngoro yépp ak wéradi yépp ca nit ña, 24 ba tax turam siiw ba ci biir réewu Siri mépp. Ñu di ko indil ñi wopp ñépp, ñi sonn ndax ay jàngoro ak metit yu bare, ñi rab jàpp, ñiy say ak ñi làaggi, mu faj léen.

Macë 8:16,17 Ca ngoon sa ñu indil ko ñu bare ñu rab jàpp. Yeesu dàq rab ya ak kàddoom te faj ñi wopp ñépp. 17 Loolu mu def, def na ko, ngir la ñu waxoon jaarale ko ci yonent Yàlla °Esayi am, bi mu naan:

Macë 9:35 Noonu Yeesu wér dëkk yu mag ya yépp ak yu ndaw ya, di léen jàngal ci seeni jàngu, tey yégle xibaaru jàmm bi jëm ci nguuru Yàlla, di faj jàngoro yépp ak wéradi yépp.

Macë 10:1 Noonu Yeesu woo ca moom fukki taalibeem ya ak ñaar, jox léen sañ-sañu dàq rab yi, tey faj jàngoro yépp ak wéradi yépp. (Màrk 3:14,15)

Macë 10:8 Fajleen ñi wopp, dekkal ñi dee, fajleen °gaana yi te dàq rab yi. Cig neen ngeen ame, mayeleen cig neen.

Macë 11:5 Gumba yaa ngi gis, lafañ yiy dox, °gaana yi wér, tëx yiy dégg, ñi dee di dekki, te néew doole ñaa ngi dégg xibaaru jàmm bi. (Esayi 35:5)

Macë 12:15 Waaye bi ko Yeesu yégee, mu sore foofa; te ñu bare topp ko, mu wéral léen ñoom ñépp.

Macë 15:30 Ba mu fa nekkee, nit ñu bare ñëw ci moom, indaale ay lafañ, ay làaggi, ay gumba, ay luu ak ñeneen ñu bare. Ñu teg léen ci tànki Yeesu, mu faj léen.

Macë 17:20/21 Yeesu ne léen: «Seen ngëm gu néew a tax. Ci dëgg maa

ngi leen koy wax, su ngeen amee ngëm gu tuuti sax niw peppu °fuddën, kon dingeen ne tund wii: "Jógeel fii, toxu fale," te dina fa dem, ba dara du leen të.»

Màrk 1:34 Noonu mu wéral ñu bare, ñu wopp ak ay jàngoro yu wuute, te dàq ay rab yu bare. Waaye mu tere rab yi, ñu wax dara, ndaxte xam nañu ko.

Màrk 3:9/10 Booba nag Yeesu faj na ñu bare, ba mboolem ñi am i jàngoro di ko song, ngir laal ko. Noonu Yeesu wax ay taalibeem, ñu wutal ko gaal, ngir mbooloo mi bañ koo buux.

Màrk 6:5,6 Yeesu manu faa def ay kéemaan yu bare, lu dul °teg loxo yenn jarag, wéral léen. 6 Mu waaru ndax seen ngëmadi. Bi loolu amee Yeesu di wér dëkk ya, di jàngle.

Màrk 6:13 Ñu dàq ay rab yu bare, te diw boppi jarag yu bare, wéral léen.

Màrk 6:55,56 ñu daldi daw ca diiwaan ba bépp, te fépp fu ñu ko dégg ñu di ko indil ñu wopp, tëdd ci seeni lal. 56 Te fu mu mana aw, ci dëkk yu mag mbaa yu ndaw walla ci àll bi, ñu indil ko jarag yi ci pénc yi, ñaan ko, mu may léen ñu laal cati mbubbam rekk. Te képp ku ko laal daldi wér.

Màrk 8:23-25 Yeesu nag jàpp loxob gumba gi, yóbbu ko, ba génn dëkk bi. Mu def tiflit ciy bëtam, °teg ko loxo naan: «Ndax gis nga dara?» 24 Waa ji xool ne ko: «Gis naa ay nit, ñu mel ni ay garab, te ñu ngi dox.» 25 Kon Yeesu laalaat bët yi, gumba gi ne xefeet, daldi wér, ba gis lépp bu leer.

Màrk 9:29 Yeesu ne léen: «Yu mel ni yii, ñaan ci Yàlla rekk a léen di dàq.»

Màrk 16:17,18 Ñi ma gëm dinañu ànd ak firnde yii: ci sama tur dinañu dàq rab yi, di wax làkk yu bees, 18 di jàpp jaan ak seeni loxo; te bu ñu naanee lu ñu tooke, du leen wàññi dara, te jarag ju ñu teg loxo, mu wér.»

Luug 4:18 «Xelum Boroom baa ngi ci man, ndaxte moo ma tànn, ngir ma yégal néew doole yi xibaaru jàmm bi. Dafa maa yónni, ngir ma yégal jaam ñi ne dinañu léen goreel, yégal gumba yi ne dinañu gis, te jot ñi ñu not,

Luug 4:40 Bi jant sowee, ñu indil Yeesu ñi wopp ñépp ak ay jàngoro yu wuute. Kenn ku nekk mu °teg la loxo, wéral la.

Luug 5:15 Noonu turu Yeesu di gëna siiw. Mbooloo mu bare di ñëw ci moom, ngir déglu ko te mu faj seeni jàngoro.

Luug 5:17-25 Am na bés Yeesu doon jàngle. Amoon na ca mbooloo, ma teewoon, ñu bokkoon ca °Farisen ya ak ay °xutbakat yu jóge ca dëkk yépp, ya ca Galile ak ya ca Yude ak °Yerusalem. Yeesu àndoон na ak dooley Boroom bi, ba muy faj ay jarag. 18 Noonu ay nit ñëw, jàppoo basan, ga ñu téral nit ku yaram wépp làaggi. Ñu di ko wuta dugal ca kér ga, ngir indi ko ca Yeesu. 19 Waaye gisuñu fu ñu koy awale ndax mbooloo ma. Ñu daldi yéeg ca kaw kér ga nag, xeddi tiwiil ya, yoor waa

ja ak basaq ga, wàcce ko ca kanam Yeesu ca biir mbooloo ma. 20 Bi Yeesu gisee seen ngëm, mu ne làggi ba: «Sama waay, baal nañu la say bakkhaar.» 21 Xutbakat yi ak Farisen yi di werante ci seen xel naan: «Kii mooy kan bay sosal Yàlla? Ana ku mana baale bakkhaar yi, ku dul Yàlla doñj?» 22 Waaye Yeesu xam seen xalaat, ne léen: «Lu tax ngeen di werante ci seen xel? 23 Ma wax ne: "Baal nañu la say bakkhaar," walla ma ne: "Jógal te dox," lan moo ci gëna yomb? 24 Waaye xamleen ne, °Doomu nit ki am na ci àddina sañ-sañu baale bakkhaar yi.» Ci kaw loolu Yeesu ne ku làggi ba: «Maa ngi la koy sant, jógal, jël sa basaq te nga ñibbi.» 25 Nit ka jóg ca saa sa ci kanam ñépp, jël basaq, ga ñu ko tèraloon, ñibbi tey màggal Yàlla.

Luug 6:17-19 Yeesu ànd ak ndaw ya, wàcc tund ya, daldi taxaw ca joor ga, fa mbooloom taalibe mu takku nekkoon. Amoon na fa it ay nit ñu bare ñu jòge ca réewu Yawut ya mépp ak ca dëkku °Yerusalem ak dëkk yi nekk ca wetu géej ga, maanaam °Tir ak Sidon. 18 Dañoo ñëw ngir déglu ko, te it ngir mu faj léen. Ñi rab jàpp it faju nañu. 19 Ñépp a ngi ko doon wuta laal ndax doole jiy jòge ci moom, di faj ñépp.

Luug 7:21,22 Ca waxtu woowa Yeesu wéral nit ñu bare ci seeni feebar ak ci seeni metit, di dàq ay rab tey gisloo ay gumba. 22 Noonu mu wax ndaw ya ne léen: «Demleen nettali Yaxyä li ngeen gis te dégg ko. Gumba yaa ngi gis, lafañ yiy dox, °gaana yi wér, tëx yiy dégg, ñi dee di dekki, te néew doole ñaa ngi dégg xibaaru jàmm bi.

Luug 8:2 ak ay jigéen yu mu teqale woon ak rab te jële léen ci seeni wopp, ñu di: Maryama, mi ñuy wooye Maryamam Magdala, mi Yeesu tàggale woon ak juróom ñaari rab;

Luug 9:2 Noonu mu yónni léen ñuy yégle nguuru Yàlla ak di faj jarag yi.

Luug 9:11 Bi ko nit ña yégee, ñu toppi ko. Yeesu teeru léen, di léen wax ci mbirum nguuru Yàlla, te di wéral ñi ko aajowoo.

Luug 13:12 Bi ko Yeesu gisee, mu woo ko ne ko: «Soxna si, sa feebar deñ na.»

Luug 13:32 Noonu mu ne léen: «Demleen ne bukki boobu ne ko: "Xoolal, maa ngi dàq rab yi tey wéral nit ñi tey ak suba. Ca ñetteelu fan ba, ma àgg fa ma Yàlla jémale."

Yowaana 5:8,14 Yeesu ne ko: «Jógal, jël sa basaq te dox.» 14 Bi ñu ca tegee ab diir, Yeesu dajeek moom ca kér Yàlla ga ne ko: «Déglul, fii mu ne, wér nga; bul defati bakkhaar, ngir ragal lu yées lii dal la.»

Yowaana 14:12 Ci dëgg-dëgg maa ngi leen koy wax: képp ku ma gëm dina def, moom itam, jëf yi may def. Dina def sax yu gëna màgg, ndaxte maa ngi dem ci Baay bi.

Jëfi Ndaw ya Kirist Yónni 3:6 Noonu Piyeer ne ko: «Awma xaalis, awma

wurus, waaye li ma am, dinaa la ko jox: ci turu Yeesu °Kirist mu Nasaret doxal!»

Jëfi Ndaw ya Kirist Yónni 5:15,16 Nit ñi indi sax ñu wopp ca mbedd ya, teg léen ca ay lal yu ndaw ak ay leeso, ngir bu Piyeer di jaar, doonte takkandeeram sax yiir ñenn ci ñoom. 16 Te it nit ñu bare dajaloo, jóge ca dëkk ya wér °Yerusalem, ñu indi ay jarag ak ñu rab yu bon sadd; te ñoom ñépp daldi wér.

Jëfi Ndaw ya Kirist Yónni 10:38 Xam ngeen ne Yàlla fal na Yeesum Nasaret, sol ko °Xel mu Sell mi ak kàttan; muy wér, di def lu baax ak di faj ñépp ñi nekkoon ci kilifteefu °Seytaane, ndaxte Yàlla ànd na ak moom.

Jëfi Ndaw ya Kirist Yónni 19:11,12 Booba Yàllay def ay kéemaan yu ràññiku yuy jaar ci loxoy Pool. 12 Ñu yóbbul sax ñi wopp ay kaala ak ay taraxlaay yu laaloon yaramam, ba jängoro yi di léen bàyyi, rab yay génn ci ñoom.

Room 8:26 Te it Xelu Yàlla mi moo nuy xettali ci sunug néew doole. Ndaxte xamunu sax naka lanu wara ñaane Yàlla, waaye Xelu Yàlla maa ngi nuy ñaanal fa moom ak i yéene yu làmmiñ manta takk.

1 Korent 12:9 Keneen it menn Xel mi jox ko ngëm, keneen di wéral ay jängoro ci kàttanu Xel moomu,

1 Korent 12:28 Te Yàlla teg na ci mbooloom ñi gëm, ku nekk ak sa may: ci bu jëkk ay ndawi Kirist, teg ca ñiy wax ci kàddug Yàlla, teg ca ñiy jängle, ñiy def ay kéemaan, ñi am mayu wéral ay jängoro, ñiy dimbalee, ñiy jiite, ñiy wax ay xeeti làkk.

Filib 2:27 Ci dëgg-dëgg woppoona ba xawa dee, waaye Yàlla yérëm na ko, ba fëgg boppam, rax-ca-dolli siggil na ma man itam, ngir ma baña am tiis ci kaw tiis.

Saag 5:14 Su amee ci yéen ku wopp, na woo njiti mbooloo mi, ñu ñaanal ko te diw boppam ci turu Boroom bi.

1 Piyeer 2:24 Gàddu na moom ci boppam sunuy bákkaar ca bant, ba ñu ko daajoon, ngir nu tàggook bákkaar, sóobu ci dund gu jub; ndax ay gaañu-gaañoom may na nu ag wér. (Esayi 53:5)

3 Yowaana 1:2 Na leen Yàlla may yérmande, jämm ak mbëggeel.

Esayi 58:8 Yàlla heal (wéral) speedy.